

èxtra

ARUBA

Parlamentario Tico Croes

TA CUESTIONA NOMBRAMENTO STANLEY ZAANDAM

ORANJESTAD (APA) ---

Relacioná cu e reciente nombramento di ex-inspector di Polis Stanley Zaandam como coordinador di asuntonan di Seguridad na aeropuerto, e miembro di Parlamento pa AVP, Sr. R.R.(Tico) Croes a haci un serie di pregunta na Ministro di Tráfico y Comunicacion, Sr. Ello Nicolaas.

E preguntanan ta:

1.. Ministro por confirmá e siguiente informacionnan aki?

a.. cu Sr. Stanley Zaandam a worde nombrá como "hoofdinspecteur" di division di seguridad di departamento di aviacion?

b.. cu Sr. Stanley Zaandam a worde nombrá den

schaal 13 di "Bezoldigingsregeling" di gobierno di Aruba, siendo cu e funcion aki ta worde balotá na un nivel mas abao?

c.. cu no a sigui un procedura normal -- esta un procedura habri -- pa un y tur cu ta capacidá y interesá por a solicitá pa e funcion aki?

d.. cu a busca un funcion pa Sr. Stanley Zaandam y a considerá cu na Aruba no tin otro hende capacidá pa y interesá den e funcion aki?

2.. Sr. Ministro por informá Parlamento cual ta e fecha exacto cu a establecé e division di seguridad den e departamento di aviacion?

3.. Sr. Ministro por infor-

má Parlamento cual ta e tareanan specifico di e division di seguridad aki awor y cu cual obligacionnan specifico di e tareanan aki di ICAO ta cumpli cuné?

4.. Sr. Ministro por confirmá Parlamento cu e funcion cu a crea pa Sr. Zaandam, NO ta e funcion cu Berenschot a consehá pa e departamento di aviacion na 1985, pero cu a desviá di e proposicionnan aki?

Sr. Ministro por informá Parlamento, pakiko a desviá for di e proposicionnan aki?

5.. Sr. Ministro por splica Parlamento, cual ta e tareanan specifico di Luchthaven Beveiliging en Bewaking?

6.. Sr. Ministro por

informá Parlamento, si tin 'overlapping' di tareanan entre e division di seguridad di departamento di aviacion y luchthaven beveiliging en bewaking y cual lo ta e consecucionan cu esaki tin pa un seguridad eficiente di nos aeropuerto?

7.. Sr. Ministro por informá Parlamento si acaso e intencion ta pa pasa tur tarea cu ta regardá asunto di seguridad di aeropuerto pa departamento di aviacion?

8.. Sr. Ministro por informá Parlamento cual ta e requisitonan pa ocupá e posicion di hefe di division di seguridad aki?

9.. Sr. Ministro por informá Parlamento, si e requisi-

tonan ta cuadra cu e prescripcionnan establecí na ICAO y cual ta e prescripcionnan aki?

10. Sr. Ministro ta na altura cu durante e conferencia di ICAO, teni recientemente na Mexico, a keda acordá cu e persona cu bai ocupá un puesto di inspector, mester ta altamente calificá y bao di ningun condicion mester permiti nombramento politico pa un puesto clave asina?

